



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
02.04.2013
Dykkar dato

Vår referanse
2013/4133 433.2
Dykkar referanse

Audun Sylta
Rossnesvegen 129
5937 BØVÅGEN

Løyve til utsetting av nordmannsedelgran til juletreproduksjon

Audun Sylta får løyve på bestemte vilkår til utsetting av nordmannsedelgran på gnr. 21 bnr. 11 i Radøy kommune.

Vi viser til søknaden vi mottok 18. mars 2013 og telefonsamtale 25. mars 2013 om utsetting av utanlandske treslag til juletreproduksjon på gnr. 21 bnr. 11 i Radøy kommune. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om å sette ut 700 nordmannsedelgran (*Abies nordmanniana*) på gnr. 21 bnr. 11 i Radøy kommune i 2013. Etter telefonsamtale med søker 25. mars kom det fram han ønskjer å plante 200-500 tre i året etter dette for å erstatte årleg uttak. Dette blir maksimalt om lag 5000 tre i perioden 2013 til og med 2022. Nordmannsedelgran er ikkje risikovurdert i samband med svartelista, men er vurdert til å ikkje kunne reprodusere i norsk natur dei neste 50 år¹.

Utsettingsområdet

Det blei søkt om bruksendring av arealet i 1987, og det har blitt dyrka her sidan 1988. Delen av eigedomen der det blir dyrka juletre ligg på innmark på begge sider av fylkesveg 409, omgitt av bustader og dyrka mark.

I følge søk i Naturbase og Artskart er det ikkje registrert sjeldne eller trua naturtypar, artar eller MiS-figurar² i utsettingsområdet eller i nærleiken til dette.

¹ Vedlegg 3 i Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

² MiS-figurar er viktige naturverdiar som er registrert gjennom Miljøregistreringar i skog, eit program som er nytta i skogbruket.

Vurdering

Det er ikkje registrert naturverdiar som krev særskilt omsyn i utsettingsområdet eller i nærleiken til dette. Utsettingsområdet ligg på innmark i eit samanhengande kulturlandskap som strekker seg både nord og sør for eigedomen. Nordmannsedelgran er vurdert til å ikkje kunne reprodusere i Noreg dei neste åra og trea skal hoggast før dei set frø, noko som minimerer spreingsfaren til kringliggande område.

Vår vurdering er at saka er godt nok opplyst til å fatte vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på det omsøkte arealet vil medføre uheldige følgjer for naturmangfaldet.

Sidan planting skal skje i eit sterkt kulturpåverka landskap vil juletreproduksjon i områda som er avteikna i kartvedlegget ikkje medføre belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei reglar som følgjer av anna lovverk, som til dømes for bruk av sprøytemiddel, har vi ikkje spesielle merknader til dette i denne saka.

Vedtak

Audun Sylta får løyve til å plante totalt 5000 nordmannsedelgran i perioden 2013 til og med 2022 på gnr. 21 bnr. 11 i Radøy kommune på følgjande vilkår:

- Løyvet gjeld for område som er avteikna i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltingslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltingslova § 32.

NB!

Eit løyve gitt i medhald av forskrift om utsetting av utanlandske treslag til skogbruksføremål gjev ikkje automatisk omdisponering til skogproduksjon på det omsøkte arealet. Dersom heile arealet ikkje er disponert til skogproduksjon må du kontakte kommunen.

Med helsing

Stein Byrkjeland e.f.
seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.

Kopi til

Direktoratet for naturforvaltning (DN)	Postboks 5672 Sluppen	7485	Trondheim
Radøy kommune	Radøyvegen 1690	5936	Manger
WWF			
SABIMA			